

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKO KANTONA
Broj: T04 0 KT 0054291 23
Zenica, 05.01.2026. godine

OPĆINSKI SUD U KAKNJU
-Sudiji za prethodno saslušanje-

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

Protiv:

N. B., ..., osuđivan, prema presudi Općinskog suda u ... broj ... od 20.06.2023. godine zbog krivičnog djela iz člana 286. stav 1. KZ F BiH na kaznu zatvora u trajanju od dva mjeseca uslovno jedna godina,

da je:

dana 21.07.2023. godine u prijepodnevnim satima, u mjestu ..., na području općine Kakanj, od lica B. N. za tačno neutvrđeno iznos novca kupio 3.440 kg uglja, vlasništvo ..., svjestan i znajući da je navedeni ugalj B. N. pribavio krivičnim djelom, obzirom da se radilo o predmetu koji je jedino ... mogao eksploatisati sa područja općine Kakanj i da se svaka druga eksploatacija uglja od strane trećih lica, pa tako i od strane B. N. smatra ilegalnom, te da B. nije imao valjanu prateću dokumentaciju kojom bi dokazao porijeklo navedene količine uglja, nakon čega je istu natovarao na kamion (kamion je vlasništvo ...) marke „...“ registarskih oznaka ..., kako bi ga prevezao i dalje preprodao, što je i htio,

da bi istog dana oko 14,20 sati bio zaustavljen od strane policijskih službenika PS Visoko u mjestu ..., grad Visoko, a nakon što je prethodno preuzeo gore navedenu količinu uglja izradio je lažni račun i otpremnicu, s ciljem da se takvi izvodi iz službenih knjiga koje se po zakonu moraju voditi upotrijebe kao pravi, što je i učinio, i da na taj način u slučaju kontrole od strane policije prikrije ilegalno porijeklo uglja koji je prevezao,

tako što je na primjerke računa i otpremnice koji su od ranije bili ovjereni pečatom firme „...“ ..., a koje je primjerke pribavio na neutvrđen način, upisao podatke o dobavljaču, kupcu, broju računa i otpremnice, datumu izdavanja računa i otpremnice, opisu dobara/usluga, jediničnoj mjeri, količini, cijeni jedinične mjere, ukupnom iznosu bez PDV-a, iznosu PDV-a i ukupnom iznosu, te podatke o vozaču i vozilu kojim je vršen prijevoz uglja,

te što je kao dobavljača na oba krivotvorena dokumenta naznačio firmu „...“ ..., sa PDV brojem ..., kao kupca odnosno lice kome je roba izdata „H. M.“, te upisao broj računa i otpremnice „...“ od dana „.... godine“, zatim naznačio da vozilom registarskih oznaka ... vozač B. N. prevozi „Ugalj, kocka, komad, jedinične mjere – T, cijene 198,90 KM, ukupnog iznosa bez PDV-a – 850,00 KM, iznosa PDV-a 144,50 KM, te ukupnog iznosa 994,50 KM“,

nakon čega je ovako popunjene račun i otpremnicu vlastoručno potpisao, iako je znao i bio svjestan da ugalj koji je prevezio nije kupljen niti otpremljen od strane firme „...“ d.o.o., te da nije imao svojstvo fakturiste niti odgovorne osobe Društva „...“ d.o.o., niti osobe koja je vršila otpremu robe, te je ovakve lažne isprave potom upotrijebio kao prave, jer ih je dao na uvid policijskim službenicima PS Visoko, a sve s ciljem da prikrije ilegalnu nabavku uglja koji je zatečen u njegovom kamionu, što je i htio,

koji ugalj u količini od 3.440 kg i krivotvorene račun i otpremnicu su policijski službenici PS Visoko privremeno oduzeli uz izdavanje Potvrde broj ... od godine, nakon čega je oduzeti ugalj deponovan na pogonu „...“ ... istog dana o čemu je izdata Potvrda ... od godine,

dakle, kupio stvar za koju je znao da je pribavljena krivičnim djelom, te izradio i upotrijebio lažne izvode iz službenih knjiga koje se po zakonu moraju voditi,

čime bi počinio krivično djelo „Prikrivanje“ iz člana 300. stav 1. Krivičnog zakona Federacije Bosne i Hercegovine (KZ F BiH) u sticaju sa krivičnim djelom „Krivotvorenje isprave“ iz člana 373. stav 2. u vezi sa stavom 1., sve u vezi sa članom 54. KZ F BiH.